

378(47.92)

W-45

100
248

0120-101

ՊՐՈԳՆՍՏԻՐ ԿԵՐԳՈՑ ԵՂՆՋԱՆՆԵՐՆՑ

ՆԱԽԱԳԻԾ

ԱՄԵՐԻԿԱ-ՀԱՅԿԱԿԱՆ
ՀԱՄԱԼՍԱՐԱՆԻ



Իջևան
ՄԱԿԵՆՆԻ
1919

Нахичевань н-Д.
Типог. С. Я. АВАКОВА
1919

Ա-45

ԱԿ.

ԳՐՈՓԵՍՈՐ ԿՈՐԳՆԵ ԱԶԱՆՆԵՆՆՆ

ՆԱԽԱԳԻԾ

ԱՄԵՐԻԿԱ - ՀԱՅԿԱԿԱՆ

ՀԱՄԱԼՍԱՐԱՆԻ

1005
2293



Նոր-Նախիջևան
Տպարան Ս. ԱԻԱԳԵԱՆԻ

Нахичевань н-Д.
Типог. С. Я. АВАКОВА

1919

ո 5 .02. 2013

54.282

ՊՐՕՓԵՍՈՐ ԿՐԸՊԵՏ ԱՂԱՋԱՆԵՆԵՑ

ՆՍՒՍԱԳԻԾ ԱՄԵՐԻԿԱ-ՀՍՅԿԱԿԱՆ ՀԱՄԱՍԱՐԱՆԻ

Հայ ժողովրդի դարաւոր պատմական իղէալը
իրականութիւն է դառնում. անթիւ, անհամար
անմեղներ յարկաւորութիւնները և ազնիւ, քաջարի
մարտիկների մղած հերոսական պայքարը վար-
ձահատոյց է լինում: Մի, անբաժան ու գերիշխան
Հայաստանի զաղափարը ոչ միայն ազգային, այլ
և միջազգային փաստ է դառնում:

Ներկայ հայ սերնդին անօրինակ զեր է վի-
ճակում՝ — ոչ միայն վայելիլ փառքն ու երջան-
կութիւնը ազատ Հայրենիքի, այլ և հիմքերը կա-
ռուցանել ու հրաշխաւորել Հայրենիքի ինքնօրէն,
յարտե գոյութեան, յառաջադիմութեան: Մենք
պատասխանատուութեան զգացմունքն ենք ունե-
նալու ոչ միայն գալոյ սերնդների հանդէպ, այլ
և այն Նորահրաշ պսակաւորների, որոնք իրանց
առաքինի կեանքը ողջակիզեցին Հայ Ազգի փըր-
կութեան, Հայ Հայրենիքի Ազատագրութեան հա-
մար:

Հայաստանի Հանրապետական Կառավարու-
թիւնը և Ազգային պառլիամենտը կերմարգ-
կային ջանքեր են թափում Հայ Դատը պաշտ-
պանելու, Մանուկ Հանրապետութեան գոյութիւնը
ապահովելու:

Պետութեան և պետականութեան հիմքը ազգը, ժողովուրդն է կազմում, առաւել, ևս նորահազմ ժողովրդապետութեան: Հայ ժողովուրդը, հասարակութիւնը ևս լարելու է իր բարոյական ու ֆիզիկական բովանդակ կարողութիւնը, որպէսզի Հայաստանի Հանրապետական կառավարութիւնը կարող հանդիսանայ պատուով դուրս գալ պատմական այս աննախընթաց փորձութիւնից:

Մեծ է նամանաւանդ հայ մտաւորականութեան պատասխանատուութիւնը, որ կոչումն ունի բարոյական գեկավարը հանդիսանալու իր Ազգի ու Հայրենիքի: Ահա այդ մտայնութեան արգասիք է և Ամերիկա-Հայկական Համալսարանի ծրագիրը, որ մշակել ու ներկայացրել ենք Հիւսիսային Ամերիկայի Միացեալ Նահանգների արտաքին գործոց ստատուսեկոնտառին:

Վերածնունդ մեր Մայր Հայրենիքի դոյութեան և յառաջադիմութեան համար անհրաժեշտ է ոչ միայն արտաքին ապահովութիւն ու զինուորական ոյժ, ոչ էլ նոյն իսկ միայն ներքին տնտեսական ու իրաւական բարեկեցութիւն, այլ նաև հայ ազգի մտաւոր-բարոյական և քաղաքացիական դաստիարակութիւնը: Աւելին ևս՝ այդ դաստիարակութիւնը անհրաժեշտ նախապայմանն է արտաքին ապահովութեան ու ներքին բարեկեցութեան:

Այդ նպատակին հասնելու համար անհրա-

ժեշտ է՝ անկախ դպրոցական ու արտագրոցական ընդհանու ծրագրից, ընթացիկ գործունէութիւնից՝—այժմանից հէնց լուրջ քայլեր անել հիմնելու Հայաստանում եւրոպական-ամերիկական տիպի մի մեծ Համալսարան, որ նախ իր կազմակերպութեամբ լինէր միանգամայն ինքնօրէն ու ազատ ընթացիկ քաղաքական կաւենարից, պարլամենտական յուզումներից և երկրորդ՝ ֆինանսական ապահովութեան տեսակէտից կաւարդ հանդիսանար բաւարարել ուսումնարանական, վարչական ամենամեծ պահանջներին իսկ: Հայ ազգային իշխանութիւնը առաջին նուազ տարւած երկրի ու ժողովրդի բազմաթիւ կարիքներին մտահոգութեամբ և շնորհիւ իր ֆինանսական, կուլտուրական, քաղաքական ու կազմակերպչական ծանր կացութեան՝—անկարող է լինելու կառուցանել Այլպլիսի մի Համալսարան: Մինչդեռ նման Համալսարանը ապագայում ազգիւր կը հանդիսանար նաև հայ գիտական ոյժեր մատակարարելու մեր այլ համալսարանների համար ևս:

Այլպլիսի մի Համալսարան կառուցանելու տուեալներ ունեն միայն մեծ պետութիւնները, որոնց շորքերից նախապատուութիւնը տալիս ենք Հիւսիսային Ամերիկայի Միացեալ Նահանգներին՝ նախ՝ որովհետև այդ պետութիւնը ունի աւելի քան մի այլ երկիր վերլիշածս ֆինանսական:

կազմակերպչական տուեալները և երկրորդ՝—Հայ
ղեկավար շրջանները, ժողովուրդն ու Ազգային
Պատուիրակութիւնն ևս արամազիր են Հայաս-
տանի վերին հովանաւորութեան խնդրում՝ գե-
րագասութիւնը տալ Միացեալ Նահա՝ գնեքին:

Ամերիկա-հայկական Համալսարանի նախա-
գիծը թէև արդիւնք է մեր անհատական նախա-
ձեռնութեան, սակայն ենթարկւած է Նոր Նախի-
ջեանի ականաւոր հայ գործիչների նախնական
քննութեան: Աւելին ևս՝ հազորգակցութեան ներ-
կայ պայմաններում զրկւած Ազգային Իշխանու-
թեան գիմելու հնարաւորութիւնից՝ մեր ծրա-
գիրը խորհրդածութեան նիւթ հանդիսացաւ այն-
պիսի մի հեղինակաւոր ազգային մարմնի, որ-
պիսին Նոր Նախիջեանի Հայ Համայնական Խոր-
հուրդն է: Խորհրդի նախնական հաճութիւնը ստա-
նալուց յետոյ միայն՝ մեզ իրաւունք համարեցինք
Ռոստովի Փրանսիական հիւպատոսարանի բարե-
հաճ աջակցութեամբ ներկայացնել մեր ծրագիրն
ընդարձակ ու պատճառարանեալ ղեկուցազրով
հանդերձ՝ Միացեալ Նահանգների արտաքին գոր-
ծոց ստատոս-սեկոնտաին՝ հայերէն ու անգլիե-
րէն լեզուներով:

Միաժամանակ պատշաճ գիմում կատարե-
ցինք Ազգային Պատուիրակութեան մեծանուն
Նախագահ նորին վսեմափայլութիւն Պօղոս Նու-
բար փաշային՝ դրութեանս կցելով նաև ծրագիրը:

Ներկայ հրատարակութեամբ մեր պատաս-
խանատու հասարակական շրջանների սեպհակա-
նութիւնն ենք դարձնում Ամերիկա-հայկական
Համալսարանի ծրագիրը՝ մէջ բերելով միաժա-
մանակ Նոր Նախիջեանի Համայնական Խորհրդի
1919 թ. փետրւարի նիստի պաշտօնական արձա-
նագրութիւնից համապատասխան բաղաձքը:

Ամեն մի հայ էր կոչման ու կարողութեան
սահմանում աշխատանք է թափելու Հայրենիքի
ու Ազգի վերածննդին՝—այդ գիտակցութեան
արտայայտութիւն է մեր ծրագիրը:

Ամեն մի ազգային-հասարակական ձեռնար-
կութիւն՝ յայտնի է լինելու հասարակութեան-
ժողովրդին՝—այդ գիտակցութեան արգասիք է
ներկայ հրատարակութիւնը:

Պրոֆ. Կ. Արաջանեան

Նոր Նախիջեան
է 10 Ապրիլ 1919 թ.



4 Պատմական-լեզուաբանական ու փիլիսոփայական

- ա. պատմական-լեզուաբանական
- բ. փիլիսոփայական — մանկավարժական
- գ. արևելագիտական

5. Պոլիտեխնիկում

- ա. մետալուրգիական (горный)
- բ. տեխնոլոգիական
- գ. գիւղատնտեսական և անտառաբանական
- դ. ճարտարագիտական
- ե. ճանապարհների հաղորդակցութիւն (путей сообщения)

Ֆակուլտետային առարկաների կազմակերպութեան և դասուանդութեան խնդիրները նիւթ կլինեն Համալսարանի Կանոնադրութեան: Սակայն այժմէն իսկ անհրաժեշտ կհամարենք յիշատակել, որ Համալսարանի Իրաւաբանական բաժնում յատուկ ամբիոններ են լինելու Հ. Ա. Միացեալ Նահանգների իրաւունքի պատմութեան ու դոգմայի, իսկ պատմա-լեզուաբանական ֆակուլտետում — Հ. Ա. Միացեալ Նահանգների պատմութեան, գրականութեան և անգլիերէնի: Իսկ արևելագիտական բաժնում, որ թէ մեր Հայրենիքի և թէ Աշխարհայի դիւանագիտական հիւպատոսական գործունէութեան համար արժեքաւոր է՝ կդասուանդուեն նաև առարկաներ, որ կա-

I.

ԱՄԵՐԻԿԱ-ՀԱՅԱՍՏԱՆ ՀԱՄԱԼՍԱՐԱՆԻ ՆԱԽԱԳԾԻ ՀԻՄՆԱԿԱՆ ՍԿԶՐՈՒՆՔՆԵՐԸ

1. Ամերիկա-հայկական Համալսարանը ունենալու է հետեւիոյ հիմնական ֆակուլտետները իրանց բաժանումներով —

1. Բժշկական

- ա. բժշկական
- բ. դեղաբանական
- գ. ատամնաբուժական
- դ. ֆելդշերական

Ե. դժուրեան քոլեջի ընթացքներ

2. Իրաւաբանական — հասարակագիտական

- ա. իրաւաբանական
- բ. հասարակագիտական — անտեսագիտական
- գ. տեղական ինքնավարութեան և կօօպերացիայի

3. Փիզիկա-մաթեմատիկական

- ա. բնագիտական
- բ. մաթեմատիկական

րող են նախատեսներած չլինել Կանոնադրութեամբ:

2. Համալսարանին առընթեր լինելու է 6—8 աս. ընթացքով կուլէջ-գիմնազիսն, որտեղ դասաւանդելու է միջնակարգ դպրոցի ընթացք հայերէն լեզուով և որպէս դասաւանդութեան պարտադիր առարկաներ՝ անգլիերէն ու ֆրանսերէն: Այս կուլէջը հանդիսանալու է նախափայար Հայաստանում բացելիք մասնաւոր թէ պետական միջնակարգ դպրոցների, երկրորդ՝ պատմափիլիսոփայական ֆակուլտետի մանկավարժական բաժնի համար փորձնական դպրոց և երրորդ որ՝ պիսաւորն է՝ Համալսարանի համար պատրաստելու է այն հիմնական, որոշ աւանդներով համակւած կորիզ-ուսանողութիւնը, որի շուրջն է հաւաքելու և ուսանողութեան մնացեալ մասը: Այս կուլէջը կարող է ունենալ նաև իր նախապատրաստական բաժինները և կամ թէ չէ սաներ կարող է ընդունել հայկական տարրական դպրոցներից:

3. Ամերիկա-հայկական համալսարանը լինելու է միանգամայն ինքնօրէն և գտնւելու է ընդ հովանաւորութեան Հիւսիսային Ամերիկայի Միացեալ Նահանգների և Հայաստանի Հանրապետութեան պ.պ. նախագահների:

Համալսարանի անմիջական կառավարութեան բարձրագոյն իշխանութիւնը հանդիսանա-

լու է Համալսարանական Հոգաբարձութիւնը ընդ նախագահութեամբ Ամերիկական Հայաստանի կառավարութեան առընթեր գեսպանի և փոխ-նախագահութեամբ՝ Հայաստանի արտաքին գործոց նախարարութեան ներկայացուցչի: Հոգաբարձութեան անդամներն են համաբուում՝ ա. Համալսարանի վերատեսուչը, բ. Ամերիկայի գեսպանութեան 3 ներկայացուցիչները, գ. Հայաստանի արտաքին գործոց և լուսաւորութեան նախարարութեանց 1-1 ներկայացուցիչներ, դ. Հայաստանի պարլամենտի նախագահը և Համալսարանի ֆակուլտետների ղեկանները:

4. Համալսարանի ուսումնարանական ու վարչական կառավարութիւնը գտնուում է վերատեսուչի, Համալսարանական Սորհրդի, ֆակուլտետային ժողովների, ղեկանների և վարչութեան ձեռքին: Այս մարմինների ու պաշտօնէութեան իրաւասութեանց շրջանակը ընդգրուած ու սահմանած է լինելու Համալսարանի Կանոնադրութեան մէջ:

5. Ամերիկա-հայկական Համալսարանի ֆինանսական հոգատարութիւնը վերցնելու է Ամերիկայի կառավարութիւնը, որին և ներկայացուում է Ն. Հոգաբարձութեան նախագահ գեսպանի ձեռօր Համալսարանի տարեկան հաշուաւորութիւնը՝ ինչպէս ֆինանսական, նոյնպէս ուսումնական-վարչական զրութեան: Իսկ գասաւանդութիւնը

ու ամբողջ գործադարութիւնը լինելու է հայերէն լեզուով:

6. Ամերիկա-հայկական Համալսարանը և ուսանողութիւնը օգուտում են այն բոլոր հնարաւոր իրաւունքներով, ինչ որ Հայաստանի կառավարութեան հիմնած պետական համալսարաններն ու ուսանողութիւնը:

7. Ամերիկա-հայկական Համալսարանի անգլերանիկ վերատեսուչը հրաւիրուած է Ամերիկայի Հայաստանի կառավարութեան առնիկ դեսպանութեան միջոցով 5 տարի ժամանակամիջոցով հաշելով ժամանակաշրջանը Համալսարանի բոլոր ֆակուլտետների գործունէութեան ուսումնական տարւանից:

8. Վերատեսուչը պատասխանատու է և գործադրող ներկայ Համալսարանական նախագծի և միաժամանակ անմիջական վարիչը համալսարանական գործերի, մինչև որ ընտրել շտատով նախատեսուած պրոֆեսորական կազմի ¹³:

9. Սրոֆեսորական նորմալ շտատը լրանալուց յետոյ միայն պրոֆեսորական Սորհրդին ու ֆակուլտետային ժողովներին վերապահուած է իրաւունք նոր պրոֆեսորներ հրաւիրելու, իսկ մինչ այդ՝ պրոֆեսորներ հրաւիրուած է Համալսարանական Հոգաբարձութիւնը վերատեսչի առաջարկութեամբ:

10. Անգլերանիկ վերատեսուչը՝ Ամերիկայի կառավարութեան միջոցներով և Հայաստանի արտաքին գործոց նախարարի և Ամերիկական

Հայաստանի կառավարութեան առնթեր դեսպանի հետ միասին՝

ա. Մշակելու է Ա. Հ. Համալսարանի վերջնական կանոնադրութիւնը:

բ. կազմելու է պատշաճաւոր շտատը և հրաւիրելու գիտական ոյժեր:

գ. Հիմնելու է գրադարանը, լաբորատորիաները, կարինետները և այլն:

դ. Ուղարկելու է արտասահման և յատկապէս Ամերիկա սրոֆեսորութեան պատրաստելու համար համալսարանաւարտ կարող ոյժեր.

ե. Հրատարակելու է ինքնուրոյն թէ թարգմանական գիտական դասագրքեր, մենագրութիւններ և այլն.

զ. Հայաստանի միջազգային վերջնական կազմակերպութիւնից և մայրաքաղաքը որոշելուց յետոյ՝ ձեռնարկելու է վերջնումս կառուցանել Համալսարանի շէնքը՝ ամերիկա-եւրոպական համալսարանական շէնքերի բոլոր պահանջները համաձայն.

է. Հրաւիրած գիտական ոյժերի ու միջոցների համեմատ էլ աստիճանաբար բաց է անելու համապատասխան ֆակուլտետները.

ը. Եւ ընդհանրապէս ձեռնարկելու է այն բոլոր միջոցները, որոնք անհրաժեշտ են մեր ծրագրած տիպի համալսարանի գոյութեան համար, հրաւիրելով ի գէպ հարկի ամեն կարիքի ու պահանջի համեմատ գիտական-մասնագիտական ոյժեր:

**ՆՈՐ ՆՍԽԻՋԵՒԱՆԻ ՀԱՅ ՀԱՄԱՅՆԱԿԱՆ
ԽՈՐՀՈՒՐԳԸ ԵՒ ԱՄԵՐԻԿԱ-ՀԱՅԱՍՏԱՆԻ
ՀԱՄԱԼՍԱՐՈՆԻ ՆՍԽԱԳԻԾՐ**

(Քաղաքը Խորհրդի 1919 թ. փետրարի 7-ի
նիստի պաշտօնական արձանագրութիւնից)

1919 թ. փետրարի 7-ին կայացաւ Նոր
Նախիջևանի Հայ Համայնական Խորհրդի նիստը:
Նախագահում է Խորհրդի նախագահ Ռուբէն Բեր-
բերեանը:

Նախագահը, բանալով ժողովը, յայտնում է
օրակարգը.—

ը. Համայնական Խորհրդի անդամ պրոֆես-
սոր Գարապիտ Աղաջանեանի զեկուցումը Ամե-
րիկա-Հայկական Համալսարանի ծրագրի մասին...

Ժողովն անցնում է օրակարգի երկրորդ հար-
ցի քննութեան: Զեկուցանում է պրոֆեսսոր
Աղաջանեանը*):

Ժողովը մեծ խանդավառութեամբ և
բուռն ծափահարութիւններով ընդունում է
պրօֆ. Աղաջանեանի զեկուցումը և փոխ
նախագահ Ն. Տերտերեանի**)

*) Զեկուցման հիմքը կազմում էր ներկայ ապա-
գիր նախագիծը, ուստի և կրկնութեան մէջ չմտնելու հա-
մար աւելորդ ենք համարում մէջ բերելու տեղի ևս, որ
Խորհուրդը սուանց վիճարանութեան ու միաձայն հաւա-
նութիւն տուց:

**) Ն. Յ. Դաշնակցութեան ներկայացուցիչ:

թեամբ ընդունում է միաձայն պրեզիդի-
ումի և վարչութեան կազմած հետևեալ բա-
նաձևը.—

«Նոր-Նախիջևանի Հայոց Համայնական
Խորհուրդը, որ ազգային բարձրագոյն իշխա-
նութիւնն է Նոր-Նախիջևանի և Ռոստովի
Հայկական մեծ գաղութի և ընտրուած ընդհա-
նուր ընտրողական օրտեսումով՝— իւր 1919 թ.
փետրուարի 7-ի նիստում քննութեան առ-
նելով Համայնական Խորհրդի անդամ և Դօ-
նելով Համայնական Խորհրդի անդամ և Դօ-
նի Մեծ Զօրաց երկրի պետական համալսա-
րանի օրդինար պրոֆեսսոր կարապետ Աղա-
ջանեանի զեկուցում— ծրագիրը և ի նկատի
առնելով հայազն զիտնականի զիտական հե-
ղինակութիւնն ու վարչական կազմակերպ-
չական ընդունակութիւնը, որ մինչև այժմ
գործ էր զրուած ուստական պետական հա-
մալսարանների բարգաւաճման, միաձայն
որոշեց՝— ողջունել այդ մեծ և խրատոյսի
արժանի նախաձեռնութիւն— ծրագիրը, որ
նպատակ ունի զարկ տալ ազատագրուող
հայ ժողովրդի մտաւոր բարոյական ու ազ-
գային վերածննդի սուրբ գործին և միաժա-
մանակ հաստատուն պահել ու ամրացնել այն

բարոյական կապը որ կայ Ամերիկական Մեծ
Դեմոկրատիայի ու վերածնունդ Հայաստանի
մէջ, յուսարով, որ պրոֆեսոր Աղաջանեա-
նը իր Մայր Հայրենիքի վերածննդի ու ա-
զատութեան գաղափարով ոգևորուած և զա-
ղութիս ամբողջ հայութեան խրախոյսին ար-
ժանացած՝ իւր ամբողջ կարողութիւնն ու
եռանդը կըգործադրի «Ամերիկա — Հայկա-
կան Համալսարանի» ազգօգուտ ձեռնարկու-
թիւնը յաջողութեամբ պսակելու»:

Այս բանաձևն ընդունուելուց յետոյ
պրոֆ. Աղաջանեանը իւր շնորհակալութիւնն
է յայանում Համ. Խորհրդին:

Համ. Խորհուրդը բուն ծափահարու-
թիւններով ընդունում է պրոֆեսորին,
որից յետոյ Համ. Խորհրդի փ. նախագահը
ժամանակի ուշ լինելուն պատճառով օրա-
կարգի միւս հարցերը թողնում է յաջորդ
ժողովին և փակում նիստը:



«Ազգային գրադարան»



NL0235630

54.282